

ORIENTERINGSNOTAT

Til: Alver formannskap – møte 10. februar 2022

Frå: Rådmannen

Dato: 3. februar 2022

Tema: Forureining Hjelmås, dekkdeponi – status pr januar '22

I oktober 2021 inngjekk Alver kommune ein intensjonsavtale med innovasjonsnettverket NOSCA. Dette er eit nettverk av verksemder og andre aktørar som saman jobbar for å utvikle ny teknologi og tenester innanfor marin forsøpling. Avtalen går ut på at NOSCA gjennomfører eit forprosjekt rundt dekkdeponiet på Hjelmås, der kommunen kan bruke resultata til å gjennomføre ei konkret opprydding. For å gjennomføre forprosjektet søkte NOSCA om økonomisk støtte hjå Handelens Miljøfond (HMF), men i desember kom det ei tilbakemelding om at søknaden ikkje fekk støtte. NOSCA jobbar likevel vidare med å sjå andre finansieringsløyser og moglegheiter for å gjennomføre eit forprosjekt, og det vil kome ei avklaring på dette i løpet av februar/ mars 2022.

For å vere sikker på at det er god framdrift i prosjektet, vil rådmannen også klargjere ein intern prosess for å vurdere kartlegging og mogleg opprydding av dekkdeponiet. Prosjektadministrasjonen i kommunen har vore i dialog med Bergen kommune kring mogeleg prosess i det vidare arbeidet. Bergen kommune har erfaring med fleire liknande saker.

På bakgrunn av dette er det utarbeidd eit konkurransegrunnlag for anskaffing av uavhengig miljørådgjevar. Det er viktig å fram eit kunnskapsgrunnlag om tilstand på deponiet og sjøområda rundt, før ein skildrar aktuelle tiltak. Ein del av bestillinga blir å utarbeide hovudrapport med tiltaksplan der ein samanstillar resultat frå utførte undersøkingar og målingar, gjer risikovurderingar og tilrår aktuelle tiltak.

Målet er at kartlegginga skal gje svar på om dekkdeponiet kan handterast som ei rein forureiningssak med kjente metodar for opprydding eller om tilstanden er av ein slik karakter at det må utviklast nye måtar for å gjennomføre opprydding på ein forsvarleg måte. Om det er behov for å utvikle nye måtar og metodar vil også eit samarbeid med NOSCA kunne vere aktuelt.

Kommunen kan søke Handelens Miljøfond om midlar til utgreiinga. Kommunen har vore i kontakt med HMF direkte og gjer avklaringar knytt til søknadsprosessen.

Anbudsgrunnlaget skal ferdigstillast og lysast ut i løpet av februar '22.